

## ODRŽAN POSLOVNI FORUM „RAZVOJ PRIVREDNE INFRASTRUKTURE“

U Sarajevu je 04.11.2015. godine Privredna/Gospodarska komora Federacije BiH u saradnji sa Regionalnim centrom za strateška planiranja i investicije „Geoprojekt“ d.o.o. Sarajevo, održala Poslovni forum na temu „RAZVOJ PRIVREDNE INFRASTRUKTURE“ u prekograničnom području BiH, Crne Gore, Hrvatske i Srbije.



U okviru Foruma organizatori su uzeli učešće i kao izvjestioci.

Predsjednik P/G K F BiH Mirsad Jašarspahić u uvodnom dijelu je ukazao na motive i razloge organizovanja jednog ovakvog Poslovnog foruma. Naglasio je da je P/G K F BiH veoma često aktivan učesnik u razgovorima sa potencijalnim investitorima, kako sa članicama Komore tako i sa budućim članicama, te potencijalnim investitorima iz BiH i van granica BiH.

U daljem izlaganju naveo je da se prilikom ulaganja u izgradnju jednog industrijskog objekta vodi računa o infrastrukturi, te da je upravo iz tih razloga veoma važno studiozno proučiti tzv. infrastrukturne karte koje sadrže elektroenergetsku, gasnu, cestovnu, željezničku infrastrukturu, prisustvo potencijalnih i postojećih industrijskih zona, planova razvoja gradova i pojedinih regija. Istaknuo je da uočeno da se ove karte često preklapaju i da je često ova infrastrukturna baza nedostatna da bi se neki potencijalni investitor opredijelio da na ovom teritoriju izgradi neko veliko industrijsko postrojenje koje zahtijeva korištenje navedenih resursa.

Potpredsjednik P/G K F BIH dr.sc. Marko Šantić, koji je koji je ujedno i član Upravnog odbora Foruma gospodarskih komora Jadransko-jonske inicijative, osvrnuo se na djelokrug i fokus rada Upravnog odbora, koji se odnosi na oblasti turizma, poljoprivrede, prometa, infrastrukturnih investicija na razini makroregije, te oblasti socijalne zaštite i ženskog poduzetništva. Naveo je da u

okviru Upravnog odbora i Foruma, imaju i Odbor za projekte, u kojem su zastupljene sve države članica.

Šošević Šaćir, direktor RCPSPi „Geoprojekt“ d.o.o. Sarajevo izlagao je o urađenom i ponuđenom prijedlogu Konvencije o razvoju gradova i privredne infrastrukture Jadransko-jonske makroregije, te koji su motivi i ciljevi iste. Prijedlog Konvencije bi trebali potpisati „Geoprojekt“ d.o.o. Sarajevo, Grad Sarajevo, Grad Sofija, Međunarodni centar za javna preduzeća Ljubljana i Privredna/Gospodarska komora F BiH.



Branimir Jukić je izlagao o Strategiji razvoja Jadransko-jonske euroregije, a dr. Jasmin Bučo iz JP Autoceste F BiH osvrnuo se na razvoj saobraćajne infrastrukture. Ispred „Saraj-inženjering“ d.o.o. doc.dr. Smajo Salketić je kroz prezentaciju kompanije dao osvrt na željezničku infrastrukturu, dok je Romana Mršo iz Elektroprenosa BiH prezentirala energetska infrastrukturu i aktuelne projekte iz ugla Elektroprenosa. Razvoju gasne infrastrukture kroz razvoj sektora prirodnog gasa u okviru evropske i regionalne energetske politike obradilo je Mirza Sedijarević direktor BiH Gasa, a prezentirala je gđa Ninković Nadžida. O podizanju konkurentnosti male privrede kroz razvoj poslovnih zona izlagao je mr.sc Jozo Bejić, sekretar Federalnog ministarstva razvoja, poduzetništva i obrta. Na kraju o razvoju infrastrukture u prostornim planovima iz Zavoda za planiranje razvoja Kantona Sarajevo izlagao je Hajrudin Omerbegović, a o privrednoj infrastrukturi Grada Istočno Sarajevo izlagala je Biljana Marković iz Gradske razvojne agencije.

Diskusija na Forumu je polučila nekoliko zaključaka koje će učesnici u narednom periodu analizirati i dostaviti P/G K F BiH. Isti će biti sublimirani u konačan tekst Zaključaka.

P/G K F BiH